



Coimisiún na Scrúduithe Stáit
State Examinations Commission
Corr na Madadh, Baile Átha Luain, Co. na hIarmhí
Cornamaddy, Athlone, Co. Westmeath

Teileafón: +353-90-644 2746. Facs: +353-90-647 3080. Gréasán: www.examinations.ie. R-phost: info@examinations.ie

S91/16

Chuig: Údaráis Bhainistíochta na Scoileanna Dara Leibhéal
Teidil Dualgais don Obair Dhiailinne san Oideachas Reiligiúnach
don Teastas Sóisearach in 2017 agus in 2018

1. Tugadh isteach siollabas nua don Oideachas Reiligiúnach i Meán Fómhair 2000 agus scrúdaíodh é den chéad uair i scrúdú an Teastais Shóisearaigh in 2003.
2. Cuireann an siollabas in iúl go mbainfidh dhá ghné leis an measúnacht ar an Oideachas Reiligiúnach – (1) páipéar scríofa cinn chúrsa, agus (2) obair dhiailinne. Eisíodh na teidil don obair dhiailinne do Scrúdú an Teastais Shóisearaigh in 2017 le Ciorclán S89/15. Tá na teidil don obair dhiailinne do Scrúdú an Teastais Shóisearaigh in 2018 istigh leis seo, in éineacht leis na teidil do 2017.
3. Tá na teidil chéanna ag gabháil leis an nGnáthleibhéal agus leis an Ardleibhéal. Tá ar na hiarrthóirí obair dhiailinne a chur isteach faoi **aon teideal amháin**.
4. Déanfar measúnacht sheachtrach ar an ábhar ag an nGnáthleibhéal agus ag an Ardleibhéal. **Beidh 20% de na marcanna ag gabháil leis an obair dhiailinne ag an dá leibhéal. Tugtar do bhuir n-aire go nglacann leithdháileadh na marcanna seo ionad leithdháileadh na marcanna úd atá luaite sa siollabas don Oideachas Reiligiúnach.**
5. Agus iad ag dul i mbun obair dhiailinne, tá cead ag iarrthóirí oibriú i ngrúpaí, nó tá cead ag an rang iomlán cuairt a thabhairt ar áit nó fiosrúchán a dhéanamh. Ní mór do gach iarrthóir dialann indibhidiúil a chomhlánú agus a chur isteach le haghaidh measúnachta, áfach.
6. Tá treoirlínte maidir le dul i mbun obair dhiailinne le fáil in *Oideachas Reiligiúnach – Treoirlínte do Mhúinteoirí* a eisíodh i mí an Mheithimh 2001.
7. Ní mór an obair dhiailinne a chur isteach i bhfoirm chaighdeánach i leabhrán a chuirfidh Coimisiún na Scrúduithe Stáit ar fáil chuige sin. In 2016 a chuirfear an leabhrán ar fáil d'iarrthóirí a bheidh ag tabhairt faoin scrúdú in 2017. Cuirfear an leabhrán ar fáil in 2017 d'iarrthóirí a bheidh ag tabhairt faoin scrúdú in 2018.
8. Cuirtear an ciorclán seo, agus liostaí na dteideal don obair dhiailinne atá in éineacht leis, ar a súile do na múinteoirí a mbaineann siad leo, le bhuir dtoil.
9. Cuirtear cóip den chiorclán seo ar fáil d'ionadaithe cuí na dtuismitheoirí agus na múinteoirí, le bhuir dtoil, lena cur ar aghaidh go dtí tuismitheoirí agus múinteoirí indibhidiúla.

Philoméin Ní Mhaoilmhichíl
Oifigeach Foirne
Samhain 2016

Teidil Dualgais don Obair Dhialainne san Oideachas Reiligiúnach do Scrúdú an Teastais Shóisearaigh in 2017

Dhá theideal atá tugtha i ngach roinn den siollabas. Tá ar na hiarrthóirí obair dhialainne a chur isteach faoi **aon teideal amháin**. Tig le hiarrthóirí teideal **amháin** ar bith a roghnú as an liosta seo a leanas de theidil don obair dhialainne:

Roinn A. Pobail Chreidimh

- a. 1. Próifíl a dhéanamh den chaoi a gcuireann sainaicme Chríostaí sa lá atá inniu ann an chaoimhlaingt agus meas ar na creidimh reiligiúnacha atá ag mór-reiligiún domhanda eile chun cinn.
- a. 2. Anailís a dhéanamh ar an gcaoi a gcuireann eagraíocht reiligiúnach in Éirinn sa lá atá inniu ann a bhfís inspioráideach de phobal creidimh in iúl.

Roinn B. Bunús an Reiligiúin – an Chríostaíocht

- b. 1. Fiosrúchán a dhéanamh faoin tionchar a bhí ag aiséirí Íosa ar **bheirt** dá chuid deisceabal mar a léirítear sna Soiscéalta é.
- b. 2. Staidéar a dhéanamh ar na cosúlachtaí agus ar na difríochtaí idir an cuntas a thugtar ar shaol Íosa i bhfoinse stairiúil agus an cuntas atá tugtha i gceann de na Soiscéalta.

Roinn C. Bunús an Reiligiúin – Mór-Reiligiúin Dhomhanda

- c. 1. **◆ AN BÚDACHAS ◆ AN HIONDÚCHAS ◆ AN TIOSLÁMACHAS ◆ AN GIÚDACHAS**
Taighde a dhéanamh ar an gcaoi ar mhair na daoine agus ar na creidimh reiligiúnacha a bhí coitianta i measc na ndaoine sa chuid den domhan inar bunaíodh ceann **amháin** de na reiligiúin thuas.
- c. 2. **◆ AN BÚDACHAS ◆ AN HIONDÚCHAS ◆ AN TIOSLÁMACHAS ◆ AN GIÚDACHAS**
Cás-staidéar a dhéanamh ar na bealaí a ndéanann baill ceann **amháin** de na reiligiúin thuas comóradh gach bliain ar am a mbaineann tábhacht reiligiúnach léi.

Roinn D. Ceist an Chreidimh

- d. 1. *Is féidir creideamh reiligiúnach a chur in iúl san urnaí, san adhradh agus sa tslí mhaireachtála.*
Scrúdú ar an bhfianaise leis an ráiteas seo i saol duine creidimh a luaitear le scéal mór-reiligiúin dhomhanda a bhfuil staidéar déanta agat air.
- d. 2. Suirbhé a dhéanamh ar na tosca a mbíonn tionchar acu ar chreideamh reiligiúnach déagóirí i gceantar in Éirinn sa lá atá inniu ann.

Roinn E. Ceiliúradh an Chreidimh

- e. 1. *Cur síos amháin ar íocóin reiligiúnacha is ea pictiúirí siombalacha.*
Cás-staidéar a dhéanamh ar phríomhghnéithe agus ar chuspóir íocóin reiligiúnaigh **amháin** dá leithéid a luaitear le pobal creidimh sa lá atá inniu ann.
- e. 2. *An urnaí – an gá le cumarsáid a dhéanamh le Dia.*
Machnamh a dhéanamh ar an ról atá ag an achainí mar fhoirm urnaí do na baill de mhór-reiligiún domhanda sa lá atá inniu ann.

Roinn F. Dúshlán na Moráltachta

- f. 1. Scrúdú a dhéanamh ar an tionchar a bhíonn ag cód morálta reiligiúnach ar stíl mhaireachtála déagóirí sa lá atá inniu ann.
- f. 2. Fiosrúchán ar an bpróiseas a dtéann duine atá aibí ó thaobh na moráltachta de tríd chun teacht ar chinneadh maidir leis an rud atá ceart nó mícheart ar ócáid áirithe.

Teidil Dualgais don Obair Dhialainne san Oideachas Reiligiúnach do Scrúdú an Teastais Shóisearaigh in 2018

Dhá theideal atá tugtha i ngach roinn den siollabas. Tá ar na hiarrthóirí obair dhialainne a chur isteach faoi **aon teideal amháin**. Tig leis na hiarrthóirí teideal **amháin** ar bith a roghnú as an liosta seo a leanas de theidil don obair dhialainne:

Roinn A. Pobail Chreidimh

- a. 1. Iniúchadh ar an ngá atá le ról éagsúla, ról an cheannaire san áireamh, in Eaglais *nó* in Ord Reiligiúnach in Éirinn sa lá atá inniu ann.
- a. 2. Cas-staidéar ar na slite a bhfuil baint ag glaoch chun seirbhíse le gairm i bpobal creidimh **amháin** in Éirinn sa lá atá inniu ann.

Roinn B. Bunús an Reiligiúin – an Chríostaíocht

- b. 1. Fiosrúchán faoi na cúiseanna a raibh coimhlint idir Íosa Nazórach agus na húdaráis reiligiúnacha agus pholaitiúla sa Phalaistín lena linn.
- b. 2. Staidéar ar an méid a theagasc Íosa trína chuid míorúiltí faoin tslí le caitheamh le peacaigh agus le coimhthígh eile i Ríocht Dé.

Roinn C. Bunús an Reiligiúin – Na Mór-Reiligiúin Dhomhanda

- c. 1. ◆ AN BÚDACHAS ◆ AN HIONDÚCHAS ◆ AN TÍOSLAMACHAS ◆ AN GIÚDACHAS
Tá ócáidí tábhachtacha ann i stair na reiligiún domhanda a mhúnlaíonn a bhforbairt.
Próifíl den tslí ar múnlaíodh ceann **amháin** de na reiligiúin dhomhanda thuas de thoradh a dtaithí ar an ngéarleanúint *nó* ar an siosma.
- c. 2. Staidéar ar an tslí a gcuirtear creideamh reiligiúnach in iúl sna príomhghnéithe d'ionad urnaí a luaitear le ceann **amháin** de na reiligiúin dhomhanda a leanas: an Búdachas, an Hiondúchas, an tIoslamachas nó an Giúdachas.

Roinn D. Ceist an Chreidimh

- d. 1. Comparáid idir patrún an chleachtaidh reiligiúnaigh atá le fáil in Éirinn sa lá atá inniu ann agus patrún an cleachtaidh reiligiúnaigh atá le fáil i bpáirt eile den Eoraip.
- d. 2. Próifíl de na slite a gcuirtear tuiscint aondiach ar Dhia in iúl i gceann **amháin** de na reiligiúin dhomhanda a leanas: an Chríostaíocht, an tIoslamachas nó an Giúdachas.

Roinn E. Ceiliúradh an Chreidimh

- e. 1. Iniúchadh ar an ról a ghlacann sacraimintí i sainaicme Chríostaí **amháin** agus an ról a ghlacann siombailí reiligiúnacha i mór-reiligiún domhanda **eile**.
- e. 2. Scrúdú ar na cúiseanna a bhfuil tábhacht reiligiúnach ag séasúr nó ag lá speisialta le linn gach bliain féilire do bhaill ceann **amháin** de na reiligiúin dhomhanda a leanas: an Búdachas, an Chríostaíocht, an Hiondúchas, an tIoslamachas nó an Giúdachas.

Roinn F. Dúshlán na Moráltachta

- f. 1. Staidéar ar an rud a chuireann iompar morálta chun cinn i measc na n-ógánach sa lá atá inniu ann.
- f. 2. Scrúdú ar an tslí a gcuirtear an gá le hionracas i gcúrsaí comhchaidrimh in iúl i dteagasc **dhá** cheann de na reiligiúin dhomhanda a leanas: an Búdachas, an Chríostaíocht, an Hiondúchas, an tIoslamachas nó an Giúdachas.